



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU ČAPLJINSKE NEOVISNE STRANKE-ČAPLJINA U SRCU

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Čapljinske neovisne stranke-Čapljina u srcu za 2019. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Čapljinska neovisna stranka-Čapljina u srcu prekršila odredbe člana 4. stav (1), člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Čapljinske neovisne stranke-Čapljina u srcu za 2019. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Čapljinska neovisna stranka-Čapljina u srcu se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	3.000,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	3.000,00	100,00
II	Ostali prihodi i drugo	0,00	0,00
	Izvori finansiranja (I+II)	3.000,00	100,00

U godišnjem finansijskom izvještaju stranka je iskazala rashode u ukupnom iznosu od 1.742,40 KM.

2. PREDSTAVLJANJE POLITIČKE STRANKE

Naziv političke stranke je Čapljinska neovisna stranka-Čapljina u srcu. Skraćeni naziv je ČNS.

Čapljinska neovisna stranka-Čapljina u srcu upisana je u registar kod Općinskog suda u Mostaru, Rješenjem broj: R/2-13 od 21.10.2013. godine.

Sjedište političke stranke je u Čapljini, Ulica Kralja Tomislava bb.

Lice ovlašteno za zastupanje stranke je Mirko Vasilj, predsjednik.

Lice ovlašteno za podnošenje finansijskih izvještaja za 2019. godinu je Mirko Vasilj.

Prema podacima iz godišnjeg finansijskog izvještaja za 2019. godinu, Čapljinska neovisna stranka-Čapljina u srcu ima sljedeću organizacionu strukturu:

- Predsjedništvo.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Čapljinske neovisne stranke-Čapljina u srcu za 2019. godinu.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Čapljinske neovisne stranke-Čapljina u srcu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Čapljinske neovisne stranke-Čapljina u srcu u periodu od 2015. do 2018. godine, nakon čega su izdati izvještaji o pregledu sa mišljenjem revizora i nalazima revizije.

Nakon izvršenog pregleda godišnjeg finansijskog izvještaja Čapljinske neovisne stranke-Čapljina u srcu za 2018. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, da uspostavi blagajničko poslovanje u skladu sa načelima blagajničkog poslovanja i da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Čapljinska neovisna stranka-Čapljina u srcu nije ispoštovala preporuke revizije.

5. NALAZI I PREPORUKE

5.1 NALAZI

a) Čapljinska neovisna stranka-Čapljina u srcu prekršila je odredbe člana 4. stav (1) Zakona o finansiranju političkih stranaka¹.

U godišnjem finansijskom izvještaju stranka je iskazala rashode u ukupnom iznosu od 1.742,40 KM i to: troškove kancelarijskog materijala u iznosu od 200,00 KM, dnevnice i putne troškove u iznosu od 400,00 KM, donacije fizičkim licima u iznosu od 870,00 KM, troškove platnog prometa u iznosu od 202,40 KM i troškove poreza i drugih obaveza u iznosu od 70,00 KM.

Uvidom u Plan prihoda i rashoda za 2019. godinu koji je dostavila Čapljinska neovisna stranka-Čapljina u srcu, utvrđeno je da je stranka planirala rashode u ukupnom iznosu od 2.000,00 KM, kako slijedi: 1) troškovi goriva, putovanja, troškovi nabavke papira, tonera i sl. u iznosu od 1.000,00 KM i 2) humanitarne donacije u iznosu od 1.000,00 KM.

Analizom dostavljenog plana utvrđeno je da stranka u planu nije navela iznos planiranih troškova za svaki trošak pojedinačno, već je planirala troškove goriva, putovanja, troškove nabavke papira, tonera i sl u ukupnom iznosu od 1.000,00 KM.

Pred navedenog, utvrđeno je da stranka u planu nije predvidjela troškove platnog prometa i troškove poreza i drugih obaveza, a iste je ostvarila u iznosu od 272,40 KM.

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

S obzirom da Čapljinska neovisna stranka-Čapljina u srcu nije sačinila finansijski plan rashoda na način kojim bi se obezbijedila potpuna transparentnost planiranog trošenja sredstava, kao i njihova uporedba sa ostvarenim troškovima, te da je finansijska sredstva stranke utrošila mimo utvrđenog Plana prihoda i rashoda za 2019. godinu, prekršila je odredbe člana 4. stav (1) Zakona o finansiranju političkih stranaka.

b) Čapljinska neovisna stranka-Čapljina u srcu prekršila odredbe člana 11. stav (1) i člana 12. Zakona o finansiranju političkih stranaka.

Pregledom godišnjeg finansijskog izvještaja i finansijske dokumentacije koju je dostavila Čapljinska neovisna stranka-Čapljina u srcu, utvrđeno je da stranka nije vodila poslovne knjige u skladu sa računovodstvenim propisima, nije evidentirala sve rashode i obaveze i nije popunila finansijski izvještaj u skladu sa Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Čapljinska neovisna stranka-Čapljina u srcu nije u godišnjem finansijskom izvještaju pravilno iskazala podatke o stanju i prometu ostvarenom putem blagajne, čime je prekršila odredbe člana 12. Pravilnika.

Stranka je u obrascu 2.1 (stanje blagajne) godišnjeg finansijskog izvještaja iskazala sljedeće podatke o poslovanju putem blagajne: početno stanje na dan 01.01.2019. godine u iznosu od 3.402,75 KM, ukupan promet ulaza u iznosu od 3.000,00 KM, ukupan promet izlaza u iznosu od 1.742,40 KM i stanje na dan 31.12.2019. godine u iznosu od 4.660,35 KM.

Uvidom u poslovne knjige, kopiju blagajničkog izvještaja i izvode sa transakcijskog računa, utvrđeno je da je ukupan promet izlaza iznosio 1.470,00 KM, što odgovara i ukupnom prometu ulaza, dok stranka nije imala novčanih sredstava na dan 01.01.2019. godine, odnosno 31.12.2019. godine.

Takođe je utvrđeno je da je ukupan promet sredstva putem blagajne stranka evidentirala kroz jedan blagajnički izvještaj koji obuhvata period od 01.01. do 31.12.2019. godine, kao i da je blagajnički izvještaj potpisan od strane lica koje je knjižilo ostvareni promet, ali ne i od strane blagajnika.

- Uvidom u dostavljenu dokumentaciju, utvrđeno je da su iz blagajne stranke isplaćena novčana sredstva za tri fizička lica u ukupnom iznosu od 670,00 KM. Sredstva su isplaćena kao donacije i pomoć fizičkim licima, a na osnovu odluka predsjednika stranke.

Iz blagajne su, takođe, isplaćena sredstva predsjedniku stranke po osnovu putnih troškova u iznosu od 600,00 KM.

Politička stranka na sredstva isplaćena fizičkim licima i predsjedniku stranke, koja sa poreskog aspekta imaju karakter ličnih primanja, nije obračunala niti platila porez na dohodak i doprinose.

U skladu sa odredbama Zakona o finansiranju političkih stranaka i Pravilnika, stranka je imala obavezu da u poslovnim knjigama i finansijskom izvještaju prijavi troškove i obaveze po osnovu poreza i doprinosa na isplaćena sredstva fizičkim licima.

(2) Čapljinska neovisna stranka-Čapljina u srcu je u skladu sa odredbom člana 12. stav (2) Zakona o finansiranju političkih stranaka² imala obavezu da u godišnji finansijski izvještaj

² Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja³.

5.2 PREPORUKE

Preporučuje se Čapljinskoj neovisnoj stranci-Čapljina u srcu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.*

Takođe se preporučuje:

- *da uspostavi upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma i*
- *da poštuje i druge propise, prevashodno poreske, iz kojih proističu dodatne obaveze i troškovi.*

KOMENTAR:

U ostavljenom roku, Čapljinska neovisna stranka-Čapljina u srcu nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef odsjeka za revizijske poslove, revizor
Sanja Tošović

Šef Službe za reviziju
Mr.sc. Hasida Gušić

³ Hrvatski narodni sabor Bosne i Hercegovine kao udruženje promovise političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.